



23 JULIE 2021

EREDIENSTE

Sondag 25 Julie 2021

Tydens vlak 4 van inperking word eredienste slegs aanlyn aangebied. Besoek www.stellenberg.co.za of die gemeente se YouTube-kanaal om na dienste te kyk.

Oggenddiens 08:30 | Direkte uitsending | Ds. Callie Visagie

Meditatiewe diens 09:00 | Aanlyn vanaf 09:00 | Ds. Philipp Dietmann

Familiediens 09:30 | Direkte uitsending | Ds. René Potgieter

WINTERHULP – DIE NOOD IS GROOT

Hier volg van die dringendste behoeftes waar jy hulp kan verleen:

- **SKOENE** vir haweloses. MES het 'n tydelike skuiling vir hawelose persone in Durbanville ingerig. Skoene (veral no. 6, 7 en 8) word vir diegene wat saans in die skuiling slaap, benodig. Gee asseblief bruikbare skoene by die kerkkantoor af.
- **KOMBERSE** vir seniors verbonde aan die Ruyterwacht-dienssentrum word benodig. Skenkings kan by die kerkkantoor afgegee word, of finansiële bydraes kan elektronies oorbetal word na onderstaande *rekening. Verwysing: Komberse.
- **HANDE EN RANDE** is die gemeente se voedselvoorsieningsprogram. Indien jy 'n finansiële bydrae wil maak om voedsel nood te verlig, kan jy dit elektronies oorbetal na *ABSA-tjekrekening 145 058 0011, takkode 632005. Verwysing: Hande en Rande. Bydraes kan ook by die kerkkantoor inbetaal word.
- **SOP** word weekliks onder verskillende gemeenskappe versprei. Lees die volledige berig op bladsy 2 om te sien hoe jy kan help.

KONTAK ONS

021 976 4519

081 045 2428

navrae@stellenberg.co.za

www.stellenberg.co.za

GEBEDSVERSOEKE

Gebedsversoeke kan aan ds. René Potgieter by 079 893 8104 gestuur word.

GEESTELIKE DAGSTUKKE

Geestelike dagstukke, voorberei deur gemeenteleraars, bestaande uit 'n stemboodskap en 'n geskrewe dagstuk, is daagliks op www.stellenberg.co.za beskikbaar of op die gemeente se Facebook- en Instagrambladsye.



SOP BIED VERLIGTING TEEN DIE KOUE

Tans word minstens 250 liter sop weekliks by sokombuise in Ravensmead, Wesbank en Khayelitsha aan kinders uitgedeel. Enige iemand wat by die voedingsprojek betrokke wil raak en bereid is om sop te kook en dit in bevrore formaat Maandae tot Vrydae tussen 08:00 en 15:00 by die saalkompleks of kerkkantoor af te gee, se hulp sal waardeer word. Lewer gerus jou bydraes soos dit jou pas. Hoe meer sop ons insamel – hoe meer kan ons uitdeel! Kontak vir Anéne Nortier 083 581 6930 indien jy enige verdere navrae het.

OMGEEPAKKIES VIR LEEU-GAMKA

Omgeepakies vir slagoffers van fisiese of seksuele geweld in Leeu-Gamka word versamel. Die pakkies sal by die plaaslike polisiestatie besorg word, sodat dit aan die slagoffers van geweld oorhandig kan word. Vir die verpakking van die omgeepakies, word die volgende items benodig: koekies, proteïenstafies, seep, waslappe, tandeborsels, tandepasta, sanitêre doekies en deodorant.

Daar is ook 'n groot behoefte aan kos vir troeteldiere in dié dorpe en skenkings van honde- of katkos sal ook waardeer word. Bydraes moet asseblief teen 30 Julie by die kerkkantoor afgegee word.

Navrae: Marelize Oliver by 083 261 4861.

GEMEENTE SE VERJAARSDAGVIERINGE

Die heersende onsekerheid rakende die lengte en impak van die derde vlaag van die Covid-19-virus het die leraarspan genoop om die gemeente se vyftigste verjaarsdagvieringe uit te stel. Ons sal die feesvieringe aanbied sodra alle lidmate veilig en met gemoedsrus daarby kan inskakel.

**STELLENBERG
ONDERSTEUNING-
SENTRUM**

SOS bied berading en mediasiedienste deur professionele persone aan. Spraak- en arbeidsterapeute, 'n besigheids- en lewensafrieter, asook 'n musiekterapeut se dienste word aangebied. Maak gerus 'n afspraak by 021 976 8029 (09:00 tot 13:00) of stuur 'n e-pos na sos@stellenberg.co.za.

Na-ure skakel

083 519 0602.

**KYK NA DIE EREDIENS
OP JOU SELFOON**

WhatsApp, of stuur 'n Telegramboodskap na 081 045 2428 met jou naam + van + aanlyn erediens. Jy sal dan weekliks die skakel na die aanlyn diens per WhatsApp/Telegram op jou selfoon ontvang.

BEROEPING VAN 'N NUWE LERAAR

Ds. Johan Visser van die Woodlands Hill-gemeente in Bloemfontein is tydens 'n spesiale beroepingsvergadering van die kerkraad na Stellenberg-gemeente beroep. Die beroep is vir approbasie (goedkeuring) vir twee Sondae in die bulletin afgekondig. Ds. Visser sal spoedig 'n beroepsbrief van die gemeente ontvang en het twee weke om amptelik daarop te reageer. Ons sal die gemeente so gou moontlik van sy antwoord in kennis stel. Johan is 39 jaar oud en getroud met Nicola ('n maatskaplike werker). Hulle het drie kinders, Ava-Jane (9), James (6) en Olivia (3).

DAGSTUKKE EN BULLETIN OP SELFOON

Daaglikse stemboodskappe deur leraars op jou selfoon

Indien jy graag na die daaglikse stemopname deur leraars op jou selfoon wil luister, stuur asb. 'n WhatsApp of 'n Telegramboodskap met jou *naam+van+stemboodskap* na 081 045 2428. Geen gemorspos word na die groep gestuur nie, slegs die stemboodskappe.

Die bulletin asook die skakel na die aanlyn oggenddiens op jou selfoon. Ontvang die **bulletin** asook die skakel na die aanlyn erediens **elke Vrydag** op jou selfoon. Sodoende kan jy na die preek op jou selfoon kyk. Stuur asb. 'n WhatsApp of 'n Telegramboodskap met jou *naam+van+bulletin* na 081 045 2428.

RELEVANTDIENS EN KATEGESE

Die Relevantdiens asook alle kategese-byeenkomste hervat op Sondag 1 Augustus 2021.

AANLYN BYBELSKOOL

Die hele Bybelskoolkursus oor die klein profete is aanlyn op www.stellenberg.co.za beskikbaar. Sessie 9 is nou beskikbaar.

Volg dit gerus aanlyn. Die handleidings kan ook van die webwerf afgelaai word.

EDELWEISS BYBELSTUDIE

Geen Bybel-
studiebyeenkomste tot
verdere kennisgewing
nie.

ADVERTENSIEBLAD

Is jy op soek na 'n
diensverskaffer,
werksgeleentheid, of
wil self 'n diens of
produkt adverteer?
Besoek dan gerus die
gemeente se aanlyn
advertensieblad op
www.stellenberg.co.za.
Plaas advertensies
teen baie billike
tariewe, deur 'n e-pos
aan
sanel@stellenberg.co.za
te stuur.

MET LEEDWESE

- **Francois Naude du Toit** (28/01/1945 - 17/07/2021). Francois was sedert Februarie 1987 'n meelewende lidmaat van die gemeente. Ons opregte meegevoel met sy vrou, Hettie, asook hul drie kinders en kleinkinders wat hy agterlaat. Geen roudiens word gehou nie.
- **Amerensia Fredrika Jacoba (Rensie) Nel** (30/04/1933 - 13/07/2021). Rensie was sedert 2018 'n lidmaat van die gemeente en inwoner van Edelweiss. Haar gedenkdien is op Woensdag 21 Julie in die kerk gehou.

POPIA-WETGEWING

Ingevolge nuwe wetgewing (POPIA) rakende die beskerming van persoonlike inligting, wil die gemeente graag jou toestemming t.o.v. die storing van jou persoonlike inligting bevestig. Alle persoonlike inligting word volgens die gemeente se beleid rakende privaatheid, sekuriteit en storing van inligting, hanteer. Die kerkkantoor sal binnekort korrespondensie in die verband uitstuur, waarop jy asb. so spoedig moontlik moet reageer. Vir enige navrae stuur 'n e-pos aan odette@stellenberg.co.za.

FINANSIËLE BYDRAES

Leraars en die kerkraad is opreg dankbaar teenoor lidmate wat die gemeente se werksaamhede finansiëel ondersteun, te midde van die finansiële uitdagings wat die Covid-19-pandemie ook aan lidmate stel. Bydraes kan soos volg gemaak word:

EFT-betaling

Dit kan oorbetaal word na ABSA-tjekrekening 145 058 0011, takkode 632005.

Kontantbydraes

Kan by die kerkkantoor inbetaal word, of in die beveiligde posbus op die kerkkantoor se stoep gegooi word.

SnapScan



GEMEENTE-SELFOON

Die gemeente het nou 'n selfoonnommer 081 045 2428.

Navrae kan per WhatsApp of Telegram-boodskap na dié nommer gestuur word.

ELEKTRONIESE NUUS

Maak seker dat jy elektroniese nuus van die gemeente ontvang.

Jy kan die bulletin, asook die skakel na die aanlyn eredienste weekliks per e-pos ontvang, asook die gemeente se maandelikse nuusblad, *Stellenberger*. Stuur jou e-posadres na sanel@stellenberg.co.za om op die verspreidingslys geplaas te word.